

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Javne ustanove „Studentski centar“ Sarajevo broj:01-493/24 od 22.04.2024.godine za tumačenje odredbe člana 72. Kolektivnog ugovora za službenike organa uprave i sudske vlasti u Federaciji Bosne i Hercegovine, na 2. sjednici Komisije održanoj dana 25.07.2024. godine, donosi:

ODLUKU

o tumačenju odredbi člana 72. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbe člana 72. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

JU Studentski centar Sarajevo je obavezan primjenjivati odredbe Kolektivnog ugovora za službenike organa uprave i sudske vlasti i javnim ustanovama u Federaciji BiH, („Službene novine Federacije BiH“, broj: 98/23).

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

OBRAZLOŽENJE

Komisiji je elektronskom poštom dana 22.04.2024. godine, dostavljen zahtjev Javne ustanove „Studentski centar“ Sarajevo broj:01-493/24 od 22.04.2024.godine za tumačenje odredbe člana 72. Kolektivnog ugovora za službenike organa uprave i sudske vlasti u Federaciji Bosne i Hercegovine, u kontekstu davanja mišljenja da li je JU „Studentski centar“ Sarajevo kao poslodavac u obavezi da primjenjuje Kolektivni ugovor i koji je to važeći Kolektivni ugovor.

Odredbom člana 72. Kolektivnog ugovora utvrđeno je da se odredbe ugovora primjenjuju na sve organe državne službe u Federaciji i sudske vlasti, upravne organizacije, kazneno popravne zavode, službenike sudske policije, javne ustanove iz oblasti rada i zapošljavanja, penzijsko-invalidskog osiguranja, zavoda zdravstvenog osiguranja i druge javne ustanove na svim nivoima vlasti u Federaciji BiH čije je sindikalna organizacija članica reprezentativnog Samostalnog sindikata.

Uvidom u Uvjerjenje broj 01-433/23 od 17.04.2023.godine utvrđeno je da je Sindikalna organizacija JU Studentski centar Sarajevo članica reprezentativnog Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH.

Shodno navedenom, utvrđeno je tumačenje odredbe člana 72. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primijenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.


Broj: 01-714-11/24

Sarajevo, 25. 07. 2024. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Adis Omerović



Samir Kurtović



Haris Karačić